

四庫全書

史部

欽定四庫全書

弇山堂別集卷二

明 王世貞 撰

盛事述二

父子封王

隴西恭獻王李貞子岐陽武靖王文忠黔寧昭靖王沐
英子定遠忠敬王晟東平武烈王朱能子平陰武愍王
勇 凡三家

三代封王

河間忠武王張玉子定興忠烈王輔孫寧陽恭靖王懋
凡三代王東平朱武烈王能子平陰武愍王勇又再世
而定襄恭靖王希忠繼之亦可稱三代也

封三代王

洪武中中山開平岐陽黔寧永樂中河間東平薨後俱
封王其曾祖祖父三代俱追封王爵他功臣不得同

一門兩公

中山王首佐太祖定天下功業爵位朝班廟享皆第一
封魏國公歲祿獨五千石世世承襲嗣公輝祖既殉節
以終次子增壽復以龍潛翊戴贈爵上公啟國於定一
門兩公往往對握二都兵政諸勲貴無敢埒者又三女
一為文皇后一為代簡王妃一為安惠王妃

父子三公

太師英公張輔子懋復為太師俱加階特進俱勲左柱
國俱再知經筵事俱再監修國史足稱東第之冠其次

則朱保公永為太師子暉為太保孫會昌侯繼宗為太傅孫銘為太保僅三家

父子贈爵

令典開茅土者公贈王侯贈公伯贈侯其嗣爵者非有奇功異能不能加贈今聊記之除前封王外元帥贈河間公俞廷玉長子平章政事贈虢國公通海魏國公贈中山王徐達次子左都督贈定國公增壽都督同知贈蘄國公康茂才子蘄春侯贈蘄國公鐸都指揮初贈榮

國公加贈河間王張王子英國公贈定興王輔次子文
安伯贈文安忠僖侯輓太平侯贈裕國武襄公軌平江
伯贈平江侯陳瑄子平江侯贈黔國公豫右都督贈涇
國公陳亨子寧陽侯贈濟國公懋武進伯贈武進侯朱
榮子嗣伯贈武進侯冕豐城侯贈茂國公李彬子嗣侯
贈豐國公賢廣寧伯贈廣寧侯劉榮子廣寧侯贈嶧國
公安恭順侯贈邠國公吳克忠子嗣侯贈涼國公瑾會
昌伯累贈安國公孫忠子嗣侯贈郟國公繼宗撫寧伯

贈撫寧侯朱謙子保國公贈宣平王永慶雲伯累贈寧國公周能子慶雲侯贈宣國公壽

三世知經筵再監修國史

英公輔知宣英二朝經筵監修仁宣二朝實錄子公懋知孝武二朝經筵監修憲孝二朝實錄至曾孫公溶知今上朝經筵監修世穆二朝實錄亦本朝所無

父子兄弟封三國

鄂國常公遇春子茂封鄭國公以罪廢復封弟昇為開

國公然皆遇春功也父子兄弟封三國足稱盛事又衛國鄧愈子中國公鎮其國名亦有二

三代尚書

尚書宰執大臣漢則楊震四公唐則張嘉貞三相耳國朝尤不易得惟南京兵部尚書林公瀚瀚子南京禮部尚書庭機庭機子南京禮部尚書煥僅一家

父子尚書

父子俱仕至尚書者吏部尚書兼翰林學士承旨詹公

同太子少保吏部尚書兼都察院左都御史徽按詹同
見任時尚書尚止三品今以其名職皆尚書故記之太
子太保吏部尚書何公文淵刑部尚書喬新少保吏部
尚書謹身殿大學士兼東閣大學士王公文南京禮部
尚書宗彝刑部尚書耿公九疇太子太保吏部尚書裕
南京刑部尚書周公瑄太子太保禮部尚書經南京禮
部尚書倪公謙太子少保吏部尚書岳刑部尚書施公
禮太子少保禮部尚書掌鴻臚寺事純太子少保兵部

尚書白公圭太子少保禮部尚書翰林院學士鉞太子
太保吏部尚書王公恕南京戶部尚書承裕南京工部
尚書侯公瓚戶部尚書觀太子少保吏部尚書許公進
南京戶部尚書誥少傅太子太傅吏部尚書文淵閣大
學士讚太子太保兵部尚書論南京兵部尚書林公瀚
太子太保工部尚書庭梲南京禮部尚書庭機南京吏
部尚書王公華新建伯南京兵部尚書都察院左都御
史守仁南京刑部尚書吳公洪刑部尚書山戶部尚書

李公瓚太子賓客戶部尚書翰林院學士廷相太子少保刑部尚書劉公璟刑部尚書訥南京工部尚書何公詔刑部尚書鰲少師太子太師吏部尚書楊公博戶部尚書俊民南京禮部尚書孫公陞南京吏部尚書龔先父都察院右都御史王諱南京刑部尚書世貞凡二十二家四十七人內詹許俱太宰倪氏俱學士林氏俱司成又朱復為燕府左相位尚書上而子濬為刑部尚書楊公博為少師而次子俊卿至都督同知雖文武異途

然俱腰玉皆可紀也

父子至三品九卿

若三品九卿則翰林院學士朱公升

時品從三
在侍郎上

子禮部

右侍郎大同兵部右侍郎鍾公勗戶部右侍郎永吏部

尚書趙公好德工部左侍郎毅戶部尚書王公鈍戶部

右侍郎瀾工部左侍郎陳公壽戶部右侍郎常禮部左

侍郎儀公智太子太保兵部尚書銘工部尚書黎公澄

右侍郎叔林禮部左侍郎蔣公驥都察院左副都御史

琳工部尚書畢公亨都察院右副都御史昭少師太子
太師吏部尚書華蓋殿大學士萬公安南京禮部左侍
郎翼兵部尚書兼大理寺卿程公信禮部右侍郎翰林
院學士贈尚書敏政戶部右侍郎李公暹南京戶部左
侍郎益吏部右侍郎楊公守陳刑部右侍郎茂元南京
吏部尚書王公僊都察院右副都御史沂太子太傅刑
部尚書白公昂都察院右副都御史圻都察院右副都
御史李公介兵部左侍郎昆少傅太子太傅戶部尚書

謹身殿大學士謝公遷吏部左侍郎翰林院學士丕南
京禮部尚書江公澗工部右侍郎曉兵部右侍郎邊公
鏞都察院左都御史憲右副都御史憲禮部尚書劉公
春右副都御史彭年南京工部尚書董公越大理寺卿
天錫都察院右副都御史王公珣右副都御史崇文都
察院右副都御史孫公燧禮部尚書陞都察院右都御
史劉公洪右副都御史臬刑部尚書楊公志學兵部左
侍郎守謙太子太保兵部尚書王公憲都察院右副都

御史汝孝兵部左侍郎陶公諧右副都御史大順吏部

右侍郎大臨少師太子太師吏部尚書華蓋殿大學士

嚴嵩工部左侍郎世蕃

以嵩
蔭

刑部左侍郎劉公玉南京

工部右侍郎慤都察院右副都御史吳公瀚通政司通

政使三樂兵部尚書王公邦瑞南京刑部右侍郎正國

大理寺卿汪公文盛南京吏部尚書宗伊署兵部尚書

李公燧僉都御史材亦可附見

三代三品九卿

都察院右副都御史孫忠烈公燧南京禮部尚書文恪
公陞南京禮部右侍郎鋌先大父用檢公為南京兵部
右侍郎先父民應公為都察院右都御史兼兵部左侍
郎而貞不肖亦忝南京刑部尚書次則少師大學士徐
文貞階子太常卿球孫太常卿元春

三代司馬中丞

先大父以正德甲戌擢右副都御史先父以嘉靖庚戌
擢右僉都甲寅轉右副都至右都兵左侍貞不肖亦以

萬曆甲戌忝轉右副都與先大父前後相去六十年俱轉侍郎皆兵部

三代大司成

林文安瀚子庭機孫爚俱為國子祭酒三代國師惟王儉有之近世罕見

三代翰林

林文安瀚為編修庭機為檢討爚亦為檢討至學士三代翰林亦國朝所無

四代尊官

刑部尚書劉公廣衡子湖廣左布政使喬喬子刑部左侍郎玉玉子南京工部右侍郎慤二品三品合四代亦近世所無

父子文選郎中

黃公孔昭子浦成化弘治中俱為文選郎中皆久任

父子翰林

父子同在翰林者唐應奉肅侍講之淳胡閣學廣檢討

種金閣學幼孜檢討達王學士直檢討積曹學士禹修
撰恩倪學士謙學士岳楊中允鼎學士時暢商殿學輅
侍講良臣鄒少詹濟禮部右侍郎兼左庶子幹焦殿學
芳侍讀黃中劉閣學宇編修仁謝殿學遷學士丕江學
士瀾修撰暉楊殿學廷和修撰慎倫諭德文叙諭德以
訓孫中允陞諭德鋌晁洗馬慄庶吉士東吳陳殿學以
勤學士于陞張殿學居正編修嗣修修撰懋修內胡氏
金氏曹氏皆以蔭叙得之而倪公父子光學尤為盛事

父子提學

父子提學凡八家北直隸御史顧潜河南副使夢圭湖
廣僉事蔡潮雲南副使雲程貴州僉事劉彭年湖廣副
使起宗山東副使楊博河南副使俊民廣西僉事袁表
山東副使尊尼廣東僉事潘恩陝西副使允哲湖廣副
使喬世寧浙江僉事因阜江西副使金賁亨福建副使
立敬

父子同科

會稽陶大順前名大壯舉癸卯順天第九人回籍復舉
戊午浙江第四人又與子允淳嘉靖乙丑同榜御史蕭
廩榜其門曰畿省兩舉經魁父子同科進士先君同年
陸主事杲與子尚書光祖同順天丁酉

子先父登進士

子先父登進士者成化戊戌楊少師廷和又三年辛丑
父僉憲春嘉靖丙辰包憲副檉芳曾尚書省吾又三年
己未包之父郎中汴又三年壬戌曾之父參議璠萬厯

庚辰董禮部嗣成又三年癸未父給事道醇

五世甲科

仁和江玘子瀾孫曉曾孫圻玄孫鐸巴縣劉規子春孫
彭年曾孫起宗玄孫世賞凡五世甲科

父子贈官一品

父子生前無俱一品者贈則有之太子太保儀智太師
銘太子太保鄒濟少保幹太子太保許進太子太保誥
少師讚太子太保林瀚少保廷楫太子太保李瓚太子

太保廷相實以尚書贈者三家耳若儀鄒二公以三四品得之則東宮恩也

勛臣累世不絕謚

東平朱武烈王能子平陰武愍王勇勇子太師莊簡公儀儀子太傅恭僖公輔輔子太傅榮康公鳳鳳從子定襄恭靖王希忠太傅忠僖公希孝

大臣父子賜謚

父子俱得謚者凡十五家朱忠定復榮愿濬儀文簡智

忠襄銘鄒文敏濟康靖幹王毅愍文安簡宗彛周莊懿
瑄文端經耿清惠九疇文恪裕白恭敏圭文裕鉞倪文
僖謙文毅岳王端毅恕康僖承裕許襄毅進莊敏誥文
簡讚恭襄論林文安瀚康懿庭棹孫忠烈燧文恪陞陶
莊敏諧文僖大臨楊康惠志學恪愍守謙又宋忠肅崇
祿仕元而子文恪訥按倪父子同謚文尤為奇絕

武臣父子同謚忠

河間忠武王張玉子定興忠烈王輔文安忠僖侯輓威

遠忠毅伯方政子南和忠襄侯瑛

祖孫尚書

祖孫至尚書者工部尚書薛公祥南京兵部尚書遠工
部尚書王公永壽少師吏部尚書瓊兵部尚書孫公原
貞南京吏部尚書需太子賓客戶部尚書劉公中敷太
子少保吏部尚書機若太子太保兵部尚書劉莊襄公
天和蔭孫守有至太子太傅左都督掌錦衣衛事雖文
武異途而皆至文銜一品亦可附見

祖孫三品九卿

刑部尚書劉公廣衡刑部左侍郎王兵部右侍郎喬公
毅少保太子太保吏部尚書字工部右侍郎贈禮部尚
書黃公孔昭禮部尚書綰禮部左侍郎李公嘉兵部左
侍郎震都察院右副都御史曹公鳳南京工部尚書亨
兵部左侍郎贈尚書陶莊敏公諧吏部右侍郎贈尚書
文僖公大臨

兄弟封爵

贈郢國公馮國用宋國公勝楚國公廖永安德慶侯永
忠贈虢國公俞通海南安侯通源越雋侯通淵江陰侯
贈江國公吳良靖海侯贈海國公禎鞏昌侯贈陝國公

郭子興武定侯贈營國公英歸仁伯陳友富懷恩伯友

直

陳友諒兄弟也

沐春西平侯弟晟襲進封黔國公弟昂左都

督贈定邊伯弟昕駙馬都尉英國公贈定興王張輔文
安伯贈文安侯輓太平侯贈裕國公輓嗣魏國公徐欽
衍定國公景昌恭順侯吳克忠廣義伯管者贈遵化伯

克勤昌平侯贈潁國公楊洪武強伯贈武強侯能已上
各自積戰功開茅土而輔輓輓三人為尤盛沐氏亦幾
焉彭城伯張昺惠安伯昇慶雲侯周壽長寧伯或瑞安
侯王源崇善伯清安仁伯濬昌國公張鶴齡建昌侯延
齡係戚畹若泰安伯張富安定伯容高平伯谷大寬永
清伯大亮皆閹人推恩者也附記於後

兄弟尚主

永樂中西寧侯宋晟子琥瑛一時尚公主拜駙馬都尉

相繼嗣父爵鎮守甘肅

兄弟尚書

南京工部尚書蔣公昇少傅太子太傅戶部尚書謹身
殿大學士冕太子少保戶部尚書石公玠少保太子太
保吏部尚書武英殿大學士珥南京戶部尚書許公誥
少傅太子太傅吏部尚書文淵閣大學士讚太子太保
兵部尚書論太子太保工部尚書林公庭楫南京禮部
尚書庭機

係親昆季

按許氏既三人而少傅宮保復腰玉尤

人間所希

少保吏部尚書文淵閣大學士彭公時太子少保禮部
尚書翰林院學士華少師太子太師吏部尚書華益殿
大學士費公宏少保太子太保禮部尚書翰林院學士
宋工部尚書掌大理寺楊公守隨南京吏部尚書守陟
南京禮部尚書李公機南京兵部尚書遂

係從
昆季

兄弟三品九卿

少保彭公時尚書華工部右侍郎禮大理寺卿章公格

都察院右副都御史律吏部右侍郎楊公守陳南京吏部尚書守陞工部尚書守隨都察院右副都御史周公季麟右都御史季鳳少師太子太師吏部尚書華蓋殿大學士楊公廷和兵部左侍郎廷儀禮部尚書汪公俊吏部左侍郎偉少保太子太保禮部尚書席公書吏部右侍郎春吏部尚書羅公欽順都察院右副都御史欽忠工部右侍郎陳公瑤都察院右副都御史瑛吏部右侍郎歐陽公鐸禮部尚書德南京工部侍郎塾都察院

右副都御史劉公渠及臬南京戶部尚書張公珩戶部
右侍郎玘工部左侍郎郭公鑒工部右侍郎鑒少師大
學士徐公階南京刑部右侍郎陟都察院副都御史萬
公潮禮部侍郎浩通政使汪公宗元南京戶部尚書宗
伊兵部尚書陳公瑞右侍郎省都察院右副都御史陶
公大壯吏部右侍郎大臨若南京兵部尚書劉龍弟左
僉都御史夔都察院右僉都御史高捷弟少師中極殿大
學士拱禮部尚書陸樹聲弟右僉都樹德右副都御

史張禮右僉都御史禰南京工部尚書翟公瑄弟太常卿瑛近時南京吏部尚書孫公鑰南京禮部右侍郎鈺通政使徐公元氣兵部侍郎元泰亦可附見

兄弟翰林

兄弟三人入翰林者凡二家王編修璉贊善璉侍講璉在洪武永樂間汪尚書俊以學士侍郎偉以侍讀太常卿佃以侍講在弘治正德嘉靖間

若二人入翰林沈學士度庶子絜周庶子述編修孟簡

彭學士時學士華楊學士守陳學士守陞費學士宏學
士宋許編修讚檢討誥孫中允紹先檢討紹祖劉學士
龍檢討夔秦中允鳴夏學士鳴雷何學士洛文檢討洛
書張編修嗣修修撰懋修內沈氏以善書薦然在翰林
供奉直三十年實為史職周雖從昆季然同年及第上
御批云兄弟齊名古今罕比而費氏宏姪懋賢及第為
宮贊子懋中為庶吉士張氏居正居首揆而嗣修兄弟
復以及第凡三人亦一時盛事

兄弟賜謚

文臣彭文憲公時文思公華楊文懿公守陳康簡公守
隨周僖敏公季麟康惠公季鳳費文憲公宏文通公案
凡四家而周為同產武臣則江國吳襄烈公良海國襄
毅公禎陝國郭宣武公子興營國威襄公英邠國吳壯
勇公克忠遵化僖愍伯克勤太傅慶雲周恭和侯壽太
保長寧榮僖伯或定襄朱恭靖王希忠太傅忠僖公希
孝若兄弟三人賜謚者文臣許莊敏公誥文簡公讚恭

襄公論武臣西平沐惠襄侯春黔國公定遠忠敬王晟
定邊武襄伯昂定興張忠烈王輔裕國勇襄公軌文安
忠僖侯軌而皆同產尤為奇絕

庚辰首甲兄弟

萬厯庚辰第一甲第一人江陵張懋修兄敬修第二人
漢陽蕭良有弟良譽第三人華州王庭謨弟庭諭皆同
科進士又同胞也古今所稀

叔姪尚書

從父猶子相繼至尚書者屠宮傅瀟宮保僑章宗伯懋
司空拯張大司馬時徹大司馬邦奇閔少保珪宗伯如
霖閔禮書楷刑書煦

叔姪封爵

洪武初歸仁伯陳友富懷恩伯陳友直姪歸德侯理以
降附封又景泰天順間石亨以忠國公總禁兵而姪彪
以定遠侯為征西前將軍鎮大同楊洪總禁兵封昌平
侯及弟武強伯能從子信封彰武伯為西北大將

父子同時大位

國朝分宜在相位而子為侍郎然是蔭官耳若萬文康
安以少師居首揆而子翼為兵部右侍郎李文敏廷相
為南吏侍父瓚為右副都林公庭機為南大宗伯子爌
為北少宗伯武臣則李貞為恩親侯而子文忠封曹國
公昌平侯楊洪與子左都督俊同總京營兵馬差可記
也

父任內閣長吏部子孫登第

父見任內閣而子及第者弘治乙丑謝文正子丕正德
辛未楊文忠子慎萬厯丁丑張文忠子嗣修庚辰懋修
成進士者正德戊辰焦少師子黃中正德辛未楊文忠
子慎丙戌費文憲子懋賢甲辰翟文懿子汝儉汝孝隆
慶戊辰陳少傅子于陞萬厯丁丑呂文簡子興周庚辰
張少師子敬修張少傅子嘉徵癸未少傅次子甲徵申
少保子用懋孫成進士者成化丁未萬文康孫弘璧見
任吏部尚書而子成進士者嘉靖己未吳太保子紹

武進士第一者隆慶戊辰楊襄毅子俊卿可謂一時之
盛然成化以前皆無之

婦翁與婿同在大位

國朝婦翁與婿同時大位者洪武初宋國公馮勝以大
將軍北討而婿鄭國公常茂參其軍事正德中周文端
經為太子太保禮部尚書婿曹元以太子少保兵部尚
書入閣孫需為南京吏部尚書婿費宏為太子太保武
英殿大學士陳金為少保左都御史婿蔣冕為少傅謹

身殿大學士太子太傅成國公朱儀守備南京三十年而壻太子太傅魏國公徐輔代之又洪武中劉學士三吾預機密而壻趙勉為戶部尚書以勉累得罪嘉靖中吳太保鵬為吏部尚書而壻董公份為學士無何亦遷部尚書

父子兄弟有文名

弋陽汪鳳以進士至參政而子郎中僕太宗伯俊少宰偉太常佃高科有文行吾郡皇甫重慶錄博雅而子鄉

進士沖按察洊沔工部漣俱以古文辭名於世又青州
馮按察裕子鄉進士惟健行人惟重郡倅惟敏光祿卿
惟訥亦庶幾焉其詞翰彪映自謂逾於貂珥之連綿也
惟重子至儀為按察副使孫琦為侍講

公侯父在受封

洪武中李文忠以浙江行省平章封曹國公而父貞以
恩親侯進封如之胡顯以都督僉事封梁國公而父泉
以致仕都督封亦如之永樂初鄭亨以都督僉事封武

安侯父用以致仕千戶封亦如之嘉靖初南京兵部尚書王守仁封新建伯封其父南京吏部尚書華如之又宣德初會寧伯李英封其父右都督南哥亦如之南哥降虜也

孤卿封父

內閣則黃公淮李公賢楊公廷和父封少保劉公珣嚴公訥父封太子太保李公春芳父封少傅張公四維父封少師獨張公居正父自少保少師以至加特進左柱

國凡四膺誥命封尚書則彭公時劉公吉內淮珣及嚴公李公皆得歸政終養彭公父毓義後公七年始卒而二李彭楊二張俱首揆尤為卓絕

尚書則吏部屠公瀟郭公樸梁公夢龍戶部黃公福賈公應春高公燿兵部白公圭翁公萬達楊公博張公學顏刑部開公濟張公子麟工部胡公松曾公省吾南京兵部則王公守仁禮部則林公燦王公封伯見前內瀟父封太子太傅子麟夢龍父封太子太保燦父庭機自

為尚書其他尚有未及封或封止三品者

嘉隆萬之際吏部則郭公內閣則嚴公李公二張公咸
父母具慶尤為一時之盛而李公狀元及第時見其祖
父子孫罷相時又見其父子孫曾江陵張公封其父母
僅六十餘士林以為美談

若恩禮之盛新都公以封少保公老疾乞歸不許特詔
遣醫馳驛問疾賜少牢上尊白粳寶鈔令守臣存問興
化公父沒治葬外加二祭江陵公父沒加三祭命子編

修及司禮太監代治喪遣官祭塋

一門高第

謝文正遷以解元會魁中狀元而子丕復以解元會魁
及第倫諭德文叙以會元中狀元而長子通參以諒復
領省解次子祭酒以訓會元及第此其最盛者也黃行
人乾亨子御史如金伍參政闕子都御史符史僉事俊
子尚書道毛文簡紀子太僕渠張侍郎志淳子副使合
俱父子解元曾狀元鶴齡孫追費狀元宏從子懋中羅

文莊欽順從子埕俱進士及第孫文恪陞及第而子鉉
鄉薦第一鑛會試第一陞弟堪武會舉第一至都督劉
尚書龍祖副使潔父刑部鳳儀俱鄉試第四人龍及子
郎中承恩俱第二人葛少保守禮與其孫庶吉士曦俱
山東解元若兄弟高科如永樂甲申周庶子述長史孟
簡同科及第正統景泰中彭文憲時中狀元文思華中
會元然是從弟兄耳楊文懿守陳尚書守陞劉文簡春
參政台王文莊鴻儒布政鴻漸俱解元而守陞春復及

第三兄俱謚文楊光祿惟聰己卯解元辛卯狀元而
兄庶子惟傑丙戌及第尤為盛事吾州王宮保錫爵經
魁會元及第而弟鼎爵復會試第五人宮保子衡北京
鄉試第一人江陵張嗣修第一甲第二人弟懋修第一
甲第一人王刑侍宗沐以春秋中第三人而子郎中士
琦知州士崧知縣士昌俱連以春秋中第五人俱成進
士叅政曹樓與祖父俱應天解元

三代甲科同時俱在

少師大學士萬安戊辰子南京禮部右侍郎翼丙戌孫翰林庶吉士弘璧丁未致仕提學僉事楊春辛丑子少師大學士廷和戌戌孫翰林修撰慎辛未南京兵部尚書林瀚丙戌子右參政庭楫己未孫禮部主事炫甲戌撫州知府林春澤甲戌子戶部右侍郎應亮壬辰孫提學副使如楚壬戌禮部尚書董份辛丑子南工科給事中道醇癸未孫禮部郎中嗣成庚辰三代俱無恙

弇山堂別集卷二

欽定四庫全書

史部

弇山堂別集卷三

四

詳校官編修_臣李潢

編修_臣裴謙覆勘

總校官中書_臣朱鈐

校對官中書_臣李霖

謄錄監生_臣王叔愚

欽定四庫全書

弇山堂別集卷三

明 王世貞 撰

盛事述三

父子兄弟貴盛一時

嘉靖初武宗實錄完少保大學士費公宏進少師從弟
編修宋進左贊善從子懋中進修撰而子懋賢復為庶
吉士隆慶初徐公階以少師當首揆而弟陟為南少司

寇長子璠以太常卿掌尚寶司次子璵少子琨俱為少鄉歸後孫元春舉進士亦為太常寺卿楊公博以師傅位太宰而子俊民以會魁歷提學太僕少卿後至尚書俊卿武鄉會第一至錦衣衛都指揮後至都督同知俊士舉進士一子鄉舉餘蔭叙又二人沒後俊卿子元祥十九舉進士為翰林檢討萬厯初張公居正太師當揆而子敬修為儀部郎嗣修榜眼懋修狀元為翰林編修修撰簡修為錦衣衛指揮同知景泰中楊潁公洪以昌

平侯挂鎮朔大將軍印鎮宣府從子信以都督同知充
宣府左參將從弟能以都督僉事充宣府右參將子俊
以左都督總三千營兵馬領勅侯有聲息為後繼寧遠
伯李成梁以太保鎮遼東子如松以都督僉事鎮宣府
如栢以都督僉事充副總兵如楨以闕都指揮使掌錦
衣衛可謂文武一時一家之盛張後闔門削奪楊氏俊
嗣侯信能皆封伯

郭氏子孫蕃顯

武定侯營國威襄公郭英兄弟四人長早卒次子興以
軍功封鞏昌侯贈陝國公謚宣武次德成福建都指揮
姊為高皇帝妃子十二人鎮銘鏞鑑銓錡鈺鈐鑄鋼
鎗鎮駙馬都尉尚永嘉公主銘遼王府典寶追封武定
侯鏞中軍都督府右都督鑑中都留守司副留守鎗散
騎舍人鈺贈承德郎尚寶司丞鈐旗手衛指揮使女九
人長適府軍衛指揮僉事蘭瑜次適濟寧衛指揮使戈
某次遼王妃次適府軍衛指揮僉事趙斌次郢王妃次

適金吾右衛指揮同知范聚孫男二十有八琮玟璧瑋
瑾珣瑤瑳璟玘瑋瓊璉璨瓚琬琰餘尚幼琮府軍衛指
揮僉事玟為都督同知襲武定侯珣尚寶司丞瑤梁王
府典寶曾孫登為名將封定襄伯贈侯女為仁宗昭皇
帝貴妃公之勲名祿位雖未敢上躋汾陽而子孫之盛
殆有光於昔矣

唐郭子儀封汾陽王
八子七壻皆位貴顯

門宗仕宦

一門科第祿位之重弘治正德間無過於鄆縣楊氏者

吏部右侍郎詹事府丞守陳南吏部尚書守陞工部尚書掌大理寺事守隨廣西布政使守隅皆昆季也刑部右侍郎茂元按察使茂仁皆守陳子也靈寶之許則太子少保吏部尚書進進子少保吏部尚書文淵閣大學士讚南京戶部尚書誥太子太保兵部尚書論及諸子孫為郡守曹郎登科甲者又十餘人福州之林自郡守元美子南京吏部尚書瀚瀚子太子太保工部尚書庭梈南京禮部尚書庭機庭梈子通政司參議炫庭機子

南京禮部尚書爌建昌知府烜及他蔭叙者亦不下數
人吳江之吳尚書洪子尚書山參政巖知府崑諸孫行
太僕卿邦楨曾孫布政承燾餘鄉貢士凡五人餘姚之
孫副都御史贈尚書燧子都督僉事堪尚寶卿墀南京
禮部尚書陞堪子都督同知鈺陞子禮部侍郎鉉刑部
侍郎寵布政使銖太常少卿鑛寵子進士如法墀子亦
舉鄉試鉛山之費少師大學士宏少保尚書宋伯父參
議瑄宏子武選懋賢從子修撰懋中工部郎中懋良四

川之劉御史規子尚書春參政台春子副都御史彭年
彭年子行太僕卿起宗子布政使世賞台子參政鶴年
後有右都御史世曾蔭叙者亦數人若宗黨貴盛一時
者嘉靖間少宰歐陽鐸大宗伯德少司空塾少保必進
太僕卿衢都御史重御史席餘丞郎守令數人少司馬
潘珍潘旦少司空希曾大司空鑑大司馬潢及會稽之
陶參議懌司馬都憲誥少宰學士大臨南大宗伯承學
布政使幼學參政大年都御史大壯布政使大順憲副

大有尚寶丞允淳主事允宜編修陶望齡九進士而薦鄉科者又十餘人

闕里恩澤

洪武初年衍聖公孔希學來朝詔襲封予誥還其祭田備禮器樂器樂舞置屬官管勾典籍司樂各一員會班亞丞相十七年子訥嗣來朝特賜一品織文誥命白玉軸每歲入覲得給符乘傳班序文臣首洪熙元年彥縉來朝賜第東安門北景泰三年賜三臺銀印玉帶麒麟

服六年子弘緒嗣入朝賜玉帶以軀小去二勝授之俾
藏焉又範金為圖書其文曰謹禮崇德以賜天順元年
入朝上見便殿握手置膝上與語改賜大第給三氏教
授印開生員歲貢格蠲孔氏田租弘治中加廟祭禮樂
景泰弘治嘉靖隆慶四幸學衍聖公率三氏子孫觀禮
公賜大紅織金仙鶴羅紗帽金廂犀束帶三氏各冠帶
有差

又衍聖公次子一人為子思後得世襲五經博士而嫡

系在衢州者亦得世襲五經博士還其西安祭田五頃
在河南者世襲國子學正又族之賢者一人世為曲阜
知縣後先給復其家人五百名

永樂中其宗人孔諤以會試副榜第一人見皇太子特
授左春坊左中允後改御史天順中其宗人公恂自禮
科給事中超拜為詹事府少詹事

義門恩澤

浦江鄭氏有恩育錄予節其略筆之以見祖宗風勵天

下之意洪武十四年為內藏金銀事發連鄭氏以義門
故釋之家長鄭漁鄭湜面見擢湜福建左參政吏部奏
無見缺添設左參議授之二十六年詔鄭氏子弟三十
以上者來見擢鄭濟左春坊左庶子伴太孫三十年起
取天下稅戶鄭沂入見授禮部尚書以其從子幹為御
史永樂十二年御史七十二歲進賀捷詩稱旨乞歸上
曰教翰林院寫勅書禮部宴他用正官陪教坊伎樂陞
辭賜金繡衣楮帛幹薦從子堪可用上曰御史舉他除

御史後累遷大理寺丞永樂十七年北京初受賀致仕
御史幹及弟致仕長史楷來朝賜宴及楮幣與為善陰
騭二部上曰他家人多與二十部十九年翰林檢討鄭
叔美以告病例為民仁宗立與子弟來朝上顧長者非
鄭檢討乎何為冠平巾呂震以故對上特詔予冠帶致
仕各賜鈔二千貫給驛舟還家

王氏奇蹟

萬歷中吾州王錫爵以會元及第四十餘而至少宗伯

抗時相直節重天下會其弟提學副使鼎爵歸省父封
詹事夢祥母吳淑人俱無恙女曇陽子以貞節得仙白
日昇舉後五載服初禪召入為文淵閣大學士天下艷
之

番將子孫兄弟勲烈

永樂中番將吳允誠來歸居涼州累功封恭順伯長子
克忠進封侯孫瑾嗣侯克忠瑾俱以殉節開公號賜美
諡次子管者以都督累功封伯少子克勤復以都督同

克忠殉節封伯賜諡雖日殫之盛不得專於前矣故拈
出之

三番將種

永樂虜酋阿魯岱嘗受國家印誥為太師和寧王後敗
於他部見殺其子阿巴阿齊來歸仕至左都督子勇以
和為姓累功封靖安伯子孫世錦衣衛指揮阿魯岱時
忌其別部王額森托噶來歸封忠勇王累加至太保卒
無子甥巴塔從封忠勇伯賜姓名蔣信卒子善嗣羅秉

忠沙州左都督困即來子累功封順義伯皆酋長貴種也故志之

師弟同居內閣

李文達賢以吏書學士入內閣而薛文清瑄以禮侍學士繼之李公薛公之講學門人也楊少師廷和為靳宮保貴座主靳公又嘗受業楊少師一清二楊先後入皆同官近袁少傅煒為少師徐公階督學所取士少保江陵張公居正為徐公教習庶吉士弘治乙丑少傅謝公遷

廷試讀卷己丑與是科進士翟公鑾同居內閣正德
庚辰少保石公瑄以禮侍主考丁亥罷相是科進士張
公孚敬實代之張公加至少師而主考李公廷相猶為
侍郎嘉靖戊戌分宜以禮書知貢舉辛酉與是科及第
進士袁公煒同居內閣若經房取士年位相適者所不
論也

文臣一時十玉

陸文裕玉堂雜筆謂正德二年內閣李公東陽為少師

焦公芳王公鏊俱加少傅冢宰許公進大司馬劉公宇
宗伯李公傑司寇屠公勲司徒顧公佐司空李公鏐皆
賜玉帶尋屠公瀟以太子太傅掌都察院孤卿十玉帶
以為奇事然武廟以左班皆老臣而服色不稱故賜玉
耳不為奇也景泰三年吏部王公直禮部胡公濙俱以
少傅內閣陳公循高公穀兵部于公謙俱以少保兼宮
秩戶部金公濂都察院王公文俱先為太子太保吏部
何公文淵兵部儀公銘刑部俞公士悅工部石公璞都

察院陳公鑑王公翱俱以易儲加太子太保蓋一品而
王者十三人正德末內閣楊公廷和梁公儲兵部王公
瓊俱少師內閣蔣公冕少傅毛公紀吏部陸公完都察
院陳公金俱少保刑部張公子麟工部李公鏊都察院
王公璟俱太子太保一品十人賜玉者戶部鄭公宗仁
禮部毛公澄又二人尤為一時之盛

內閣六相

永樂初內閣七人如解公輩初以六品後稍進為五品

而已宣德元年楊公士奇以少傅黃公淮以少保楊公
榮以太子少傅金公幼孜以太子少保楊公溥以太常
卿尋黃公移疾去而進尚書陳公山張公瑛凡六人景
泰末陳公循高公穀王公文俱以少保蕭公鉉江公淵
以太子少師商公輅以兵部左侍郎隆慶初徐公階以
少師李公春芳郭公朴以少傅高公拱以少保俱內閣
而陳公以勤張公居正以尚書侍郎入未幾加保傅等
官蓋前後滿六人者三而已

二相同時極品

正德四年李公東陽首揆焦芳次之七年李公仍首揆
楊廷和次之十四年楊公首揆梁儲次之皆少師太子
太師吏部尚書華蓋殿大學士而楊與梁又皆特進左
柱國四公皆同年為一時之盛而焦以阿附中官見時
詆正統三年楊公士奇楊公榮皆少師又同姓然一為
兵書華蓋殿學士一為工書謹身殿學士嘉靖三十六年夏
公言嚴公嵩俱為特進少師太子太師吏部尚書俱華

蓋殿唯夏至上柱國小異耳二公同鄉而好不終

翰林十五學士

天順初上擬學士多以陳汝言十八學士語解按此時
內閣李文達賢呂文懿原彭文憲時并李紹黃諫林文
劉定之皆學士倪謙錢溥為講讀學士僅九人弘治中
吳文定寬以禮書梁文康儲王太宰華以少詹俱兼學
士楊少師廷和以坊學兼讀學武少卿衛張太常芮江
文昭瀾劉文肅忠劉太宰機俱光學楊太常時暢為讀

學時有翰林十學士之稱并內閣劉李謝南京張東白元
禎為十四人固已盛矣嘉靖戊午內閣自三大學士嚴
徐李外禮部則吳尚書山茅侍郎瓚袁侍郎熹吏部則
郭侍郎朴詹事府則李右侍郎機太常則嚴少卿訥李少
卿春芳董少卿份俱光學翰林則秦讀學鳴雷高講學
拱并南京吏部王學士用賓掌院全講學元立凡一十
五人蓋前所未有萬歷十四年內閣申許二王公為中
極武英文淵東閣大學士禮部尚書沈鯉兼翰林院學

士禮部左侍郎掌詹事府周子義吏部左侍郎沈一貫
吏部左右侍郎朱金庭王弘誨詹事徐顯卿少詹事張位
俱兼侍讀學士于慎行為侍讀學士陳于陞為侍講學士
合之得十三人亦庶幾焉

林下九相

宣德初內閣大臣俱在位正統元年少保黃公淮太子
賓客胡公儼居林下二人景泰元年亡天順元年苗公
裹及少保高公穀乞歸成化元年少保陳公循武功伯

徐公有貞自赦所歸侍郎許公彬三人弘治元年少師
萬公安罷與太子太保劉公珣太子少保彭公華尹公
直凡四人正德元年尹公直一人嘉靖元年少師劉公
健梁公儲少傅謝公遷劉公忠王公鏊楊公一清五人
唯梁公初罷歸其餘皆以名德存又隆慶元年少傅李
公本太子太保嚴公訥二人萬厯元年李公改姓為呂
及嚴公少師徐公階李公春芳前少師高公拱少傅郭
公朴陳公以勤少保殷公士儋太子太保趙公貞吉凡

九人皆一品腰玉逍遙林下尤前代所無

壬子浙江三仁

浙江壬子舉人為餘姚孫公燧錢唐胡公世寧餘姚王
公守仁宸濠之變胡公以按察副使指其漸孫公以巡
撫右副都御史殉其節王公以提督右副都御史戡其
亂胡至太子太保兵部尚書贈少保諡端敏孫贈禮部
尚書諡忠烈王封新建伯贈侯諡文成御史周汝員合
而祀之曰三仁祠

浙江三大功文臣

洪武三年庚戌御史中丞劉基以謀策功封誠意伯天
順十四年己巳兵部尚書于謙以靖亂功加少保正德
十六年辛巳南京兵部尚書王守仁以擒叛功封新建
伯文臣最為灼然者皆浙人劉贈太師于贈太傅王贈
侯皆在易世論定之後於事尤奇

壬戌首甲三相

首甲三人無俱至尚書者惟嘉靖壬戌二十二年中第

一人申時行今為少師中極殿學第三人余有丁至少
傳建極殿學第二人王錫爵今為太子太保武英殿學
光絕前古

內閣三元

萬曆乙酉內閣首揆申公時行壬戌狀元次揆許公國
辛酉解元三揆王公錫爵壬戌會元而皆南直隸近代
所無

三省長官同鄉

洪武初中書省長官左丞相李善長右丞相徐達平章
軍國重事常遇春大都督府長官右都督馮勝御史臺
長官左御史大夫湯和右御史大夫鄧愈十年以後中
書左丞相胡惟庸右丞相汪廣洋大都督府左都督李
文忠右都督馮勝御史臺左大夫陳寧右大夫丁玉安
然省府臺一品總攝天下機務而皆南直隸江北人蓋
高帝起濠上一時賢傑雲蒸龍從故不必借才於異地
也盛矣

內閣同鄉

永樂初元選翰林臣入內閣而江西居其五曰吉水解
學士縉胡文穆廣廬陵楊文貞士奇南昌胡賓客儼新
淦金文靖幼孜縉廣幼孜皆吉安府而官皆僅五品景
泰中陳芳洲循以少保首揆而蕭孟勤鎡以太子少師
位第四二公皆泰和人也成化初陳莊靖文彭文憲時
俱以太子少保劉文安定之以工侍俱兼學士在閣時
無他相參之三公皆吉安人也最後彭文思華以太子少

傳尹文和直以太子少保俱兼學士在閣又皆吉安人也江西吉安之盛至此後至嘉靖夏貴溪言嚴分宜嵩俱以江西人官少師不參他相寵眷事權相埒而終不合正德初焦泌陽芳以少師任華蓋殿劉鈞州宇以少傳任文淵閣然劉僅六日而予告又俱以附中人削其後楊文襄一清靳文僖貴同為丹徒人楊以少傳靳以太子太保同為武英殿學嘉靖末郭安陽朴高新鄭拱同日大拜至隆慶初同為少傳吏部殿學同歲罷又嘉

靖末吾直隸華亭徐公階以少師常熟嚴公訥興化李公春芳俱以太子太保同在閣凡三人萬厯初南直隸吳縣申公時行以少師歙縣許公國以少保在內閣而吾州王公錫爵又以宮保繼之三公皆在大江以南則尤盛矣申王同郡又盛也按永樂之五人僅五品成化之三人不登一品則吾直隸為盛

內閣首輔太宰同鄉

我朝大政寄之內閣次則吏部正統中楊文貞士奇以

少師首揆而王文端直拜太宰景泰中文端進加少傅而何旴江文淵以宮保同為尚書陳廬陵循以少保居首揆四公皆江西人楊王陳又皆吉安人也弘治中劉文靖健以少師首揆而馬端肅文升以少師為太宰馬致仕焦泌陽芳繼之皆河南人嘉靖嚴少師嵩首揆而熊宮保浹萬宮保鏜歐陽少保必進後先為太宰皆江西人歐陽又嚴之兒女姻也其後徐公階首揆而滁州胡簡肅松及嚴公訥為太宰皆吾直隸人張公四維首揆而王

太保國光為太宰皆山西人知不必首揆則棗強王公
文以少保居內閣而鹽山王公翱以宮保居吏部淳安
商公輅以戶書居內閣而桐廬姚公夔居吏部壽光劉
公珣以太子太保居內閣而歷城尹公旻以太子太傅
居吏部泰和尹公直居內閣而豐城李公裕居吏部洛
陽劉公健盧氏耿公裕以宮保居內閣吏部丹徒靳公
貴以宮保居內閣而同里楊公一清以少傅居吏部楊
公入閣而長洲陸公完以宮保代之焦泌陽芳許靈寶

進劉鈞州字相繼居內閣吏部葉城石公瑤東光廖公
紀俱以少保居內閣吏部鄞縣聞公淵以宮保居吏部
而餘姚李公本自少詹入閣李公加少保而秀水吳公
鵬入吏部蓋不可屈指數矣

蒲州盛事

蒲州楊襄毅公博以少師為吏部尚書其子舅王公崇
古以太子太保領宣太節楊公卒王公以少保拜兵部
尚書其甥張公四維入內閣加太子太保王公致仕張

公遂進少保至少傅少師三孤初各得其一後得二而居同里閑又至親為甚盛而奇

吳中盛事

會元凡七人常熟施顯太倉吳鉞

即陸鉞也

長洲吳寬吳縣

王鏊吳江趙寬常熟瞿景淳太倉王錫爵

狀元凡六人吳縣施槃長洲吳寬崑山毛澄朱希周顧鼎臣吳縣申時行又山陽沈坤原籍崑山亦當為七人及第凡六人除會元二王陸瞿外又有陳祭酒鑑劉編

修城

內閣七人吳縣張學士益徐華蓋有貞王武英鰲崑山
顧武英鼎臣常熟嚴武英訥今吳縣中極申公時行武
英王公錫爵

東閣掌誥勅二人吳公寬吳公一鵬

伯爵一人徐公有貞

太宰四人余公熈太子太保陸公完太子少保周公用
太子太保嚴公訥

一品十人太子太保陳公鑑太子太保俞公士悅武功
伯徐公有貞少傅王公鏊少保陸公完太子太傅毛公
澄少保顧公鼎臣太子太保嚴公訥少師今申公時行
太子太保王公錫爵又常熟宗伯李公傑郡城司寇劉
公纓正德中賜玉帶

太子少保五人吳公一鵬周公用凌公雲翼徐公學謨
袁公洪愈

學士十五人張公益劉公鉉陳公鑑李公傑吳公寬王

公鑒毛公澄朱公希周顧公鼎臣陳公霽嚴公訥瞿公
景淳申公時行王公錫爵徐公顯卿實為光學者毛顧
嚴三人

贈三公二人太傅王公鑒太保顧公鼎臣得謚者十八
人劉文恭鉉韓襄毅雍陳僖敏鎰李文安傑王文恪鑒
吳文定寬毛文簡澄吳文端一鵬朱恭靖希周葉文莊
盛周康僖倫顧文康鼎臣魏恭簡校周恭肅用瞿文懿
景淳徐文敏縉嚴文靖訥陳簡肅瓚

贈三孤三人少保陳公鑑毛公澄嚴公訥

贈東宮一品五人太子太保李公傑吳公一鵬朱公希周周公用吳公寬

尚書二十七人除已登內閣者不載外吏部余燦陸完周用南吏部朱希周袁洪愈楊成戶部滕思勉禮部楊翥吳寬李傑毛澄吳一鵬徐學謨南兵部凌雲翼刑部顧禮俞士悅周倫吳山南刑部吳洪顧璘劉纓錢邦彥工部龔弘南工部程宗徐栻王世貞

左都御史一人陳鑑右都三人韓雍盛應期及先君諱
贈尚書四人禮部徐縉瞿景淳兵部先君子工部王永
和

贈太子少保二人劉纓周倫

吾郡之盛未有如庚辰以至今日者庚辛間申公時行
居內閣而徐公學謨長禮部楊公成長南工部凌公雲
翼以兵書督漕張公任以副都御史撫廣西林下則大
學士嚴公訥尚書錢公邦彥徐公棻侍郎王公錫爵而

余忝南刑侍凡十人丙戌申王二公為大學士徐顯卿
為少宰韓世能為禮部趙用賢為右庶子祭酒劉珵為
左中允掌司經局顧紹芳徐應聘為翰林檢討館閣凡
八人

一郡八座三元

甲丙之際吾郡申公時行以狀元王公錫爵以會元居
內閣袁公洪愈以解元為大宗伯真一時之選

吾州盛事

萬厯己卯壬午南畿解元連為吾州人陸大成吾子士
騏又一科為戊子王衡復為解元而武舉解元為吾州
人徐山中亦出州衛及屬所亦一時之盛

崑山盛事

嘉靖戊子己丑間崑山一城中為刑部尚書周公倫子
大理寺丞鳳鳴詹事顧公鼎臣太常寺卿魏公校南京
太常卿方公鵬光祿寺丞陸公鰲京堂凡六人而顧公
以學士掌翰林院印魏公以祭酒掌國子監印方公以

右庶子掌春坊印皆極一時清華之選

嚴州盛事

嚴州小郡也而成化初商文毅輅以戶部尚書翰林學士居內閣尋進太子少保吏部尚書謹身殿大學士姚莊敏公夔以太子少保為吏部尚書又商公以乙卯解元為乙丑省殿元姚公以辛酉解元為壬戌省元二甲傳臚商公自修撰超入內閣姚自給事中超拜侍郎可謂一時之盛矣

一郡同榜兩元

永樂甲申狀元曾榮永豐人會元楊相泰和人俱吉安
府嘉靖壬戌狀元申時行吳縣人會元王錫爵太倉人
俱蘇州府至丁丑二公俱為詹事府詹事兼翰林院侍
讀學士王公掌府申公掌院

一郡三及第

建文庚辰狀元胡靖第二名王艮吉水人第三名李貫
廬陵人俱吉安府而二甲第一名吳溥第三名朱答皆

江西溥又會元也永樂甲申狀元曾榮永豐人第二名
周述第三名周孟簡俱吉水人二甲第一名楊相第四
名王直俱泰和人第二名宋子環吉水人第三名王訓
廬陵人相又會元也七人皆吉安府而內閣學士讀卷
五人解縉胡廣楊士奇胡儼金幼孜皆江西中三人皆
吉安府可謂極盛

一郡三傳臚

正統丙辰第一甲第一名施槃吳縣人第二甲第一名

張和崑山人第三甲第一名莫震吳江人皆蘇州府

國初三遺老

元楊維禎為浙江儒學提舉國初召修史年七十六而卒沈夢麟為武康尹入國朝五司閩浙文衡一考會試九十三而卒滕克恭為翰林學士入國朝一主河南鄉試至百餘歲而卒皆不肯屈節仕宦其耆德為昭代之盛

金處二郡文武分盛

國初浦江宋承旨濂義烏王待制褱金華胡教授翰蘓
編修伯衡皆以文章名天下而皆為金華人青田劉中
丞基龍泉章中丞濫胡郡伯深麗水葉太守琛亦文章
士也而皆以武功顯內王胡葉三公能以死見節而浦
江之鄭為義門至方博士孝孺遂爾卓絕可謂盛而奇
矣

一榜四相

大約一榜中有一相者二相三相者以四相為盛洪武

庚辰文淵閣大學士胡廣謹身殿大學士楊榮武英殿
大學士金幼孜楊溥正統戊辰文淵閣大學士彭時華
蓋殿大學士萬安劉吉謹身殿大學士劉珝而益以吏
部二尚書尹旻王恕景泰甲戌華蓋殿大學士徐溥武
英殿大學士丘濬宮保學士彭華尹直而益以吏部二
尚書耿裕李裕成化丁未華蓋殿大學士費宏謹身殿
大學士蔣冕毛紀武英殿大學士石瑄而益以吏部一
尚書陸完又石公亦拜焉弘治乙丑華蓋殿大學士嚴

嵩謹身殿大學士翟鑾武英殿大學士方獻夫顧鼎臣
又益以吏部一尚書聞淵而方公亦拜焉若至五相者
則嘉靖辛丑中極殿大學士高拱武英殿大學士嚴訥
陳以勤潘晟而嚴公復正吏部高公兼領之久尤為盛
事潘至中途返正得半耳

一科六玉帶

一科中六人至一品腰玉者為盛永樂乙未少保陳循
高穀太子太保陳鑑俞士悅何文淵王翱正統戊辰少

師萬安劉吉少保彭時太子太傅尹旻太子太保劉翊
王恕嘉靖辛丑少師高拱少傅陳以勤少保王崇古方
逢時太子太保嚴訥潘晟皆六玉若弘治乙丑少師嚴
嵩少傅翟鑾少保顧鼎臣方獻夫張瓚太子太保聞淵
顧可學凡七玉為尤盛若五玉則天順甲申少師李東
陽焦芳少保閔珪太子太保劉大夏王軾成化壬辰少
師楊一清少傅劉宇少保陳金太子太保李燧王璟丁
未少師費宏少傅蔣冕少保毛紀石瑄少保陸完弘治

庚戌少保彭澤席書廖紀太子太保靳貴王憲亦庶幾
焉

永樂丙戌一伯則王驥宣德癸丑一伯則徐有貞景泰
辛未一伯則王越弘治己未一伯則王守仁嘉靖丁未
一太師則張居正亦甲科之盛事也

弇山堂別集卷三

欽定四庫全書

弇山堂別集卷四

明 王世貞 撰

盛事述四

勲臣歷三公

勲臣以太師為極凡八人若李韓公善長張英公輔不為太傅太保朱保公永張英公懋張昌公鶴齡徐定公光祚不為太保以躡加故也獨翊國公郭勛初加太保

再加兼太子太傅三加太傅四加兼太子太師五加太師成國公朱希忠初加太子太傅再加太保三加太傅四加兼太子太師五加太師二公徧歷三公近代所絕少而成公知經筵監國史贈王後謚尤為絕盛

文臣徧歷三孤

文臣以少師為極凡二十四人若吳榮襄中費文憲宏不為少傅楊文敏榮萬文康安徐文靖溥不為少保亦以躡加故也其徧歷三孤者蹇忠定義楊文貞士奇劉

文穆吉劉文靖健馬端肅文升李文正東陽楊文忠廷
和梁文康儲王恭襄瓊楊文襄一清張文忠孚敬夏文
愍言嚴分宜嵩高新鄭拱徐華亭階李興化春芳張江
陵居正張蒲州四維與今申吳縣時行凡十九人內忠
定文貞皆不帶宮職忠定以半歲中加少保少傅少師
尤為奇絕分宜華亭一加太子太保再加少保三加兼
太子太傅四加少傅五加太子太師六加少師江陵一
加少保太子太保再加兼太子太傅三加少傅四加太

子太師五加少師六加太傅七加太師遂真為三公比諸公尤詳

文臣徧歷一品階勲

張居正初加階榮祿大夫再以恩詔加光祿大夫三加

柱國四加特進五加左柱國六加上柱國尤為盛事

張辭

上柱國遂以為贈

歷封公侯伯

諸功臣有徑封公侯者無論已有自侯而公者則湯中

山和之進封信傳潁川友德之進封潁藍永昌王之進
封涼沐西平晟之進封黔郭武定勛之進封翊張壽寧
鶴齡之進封昌是也有自伯而侯者則徐興安亨李襄
城瑾陳平江豫陳寧陽懋王清遠友柳安遠升劉廣寧
安吳恭順克忠薛安順貴梁保定瑤吳清平成蔣定西
貴楊昌平洪方南和瑛石定遠彪孫懷寧鏜陳武平友
趙武靖輔仇咸寧鉞孫會昌會宗周慶雲壽張壽寧巒
張建昌延齡王瑞安源方安平銳李武清偉皆仍故封

者也王武義通之成山則徙邑者也惟張英國輔自新城伯進侯以至公石忠國亨自武清伯進封以至公朱保國永自撫寧伯進侯以至公前後領三劬者僅三人其後忠國公削保國一傳至孫復為侯而英公開國至今

出將入相

國初徐太傅達初入為右相國出為大將軍征吳再出為征北大將軍北伐入為中書右丞相復出為征北大

將軍鎮撫東北正德中楊文襄一清以三邊總督入為
吏部尚書內閣大學士致仕後落致仕復出為三邊總
督入為少師太子太傅吏部尚書武英殿大學士楊公
將相勲烈雖不敢望太傅而事頗相埒

吏兵二部正

六卿惟吏兵二部知文武選最重本朝大臣兩為其部
尚書者吳公琳陳公銘李公煥文茹忠誠瑞馬端肅文
升許襄毅進劉少傅宇陸太保完王恭襄瓊楊襄毅博

梁太保夢龍十一人而已馬公楊公俱以少傅掌兵部
少師長吏部尤為隆重而楊公凡三為兵部三為總督
再為吏部汪榮和鉉以吏部尚書兼兵部尚書亦自卓
絕李康惠承勛以吏部召未上改吏部為兵部

文臣雄職惟吏兵二部都察院南參贊及邊方總督而
已馬端肅文升歷任之劉均州宇陸長洲完為吏部兵
部都察院總督凡四任

吏部尚書入內閣

內閣居首者稱元輔太宰握銓柄為六卿之長國朝居
此任者惟楊文襄一清而已若以太宰入閣則正德始
焦芳劉宇石瑄桂萼方獻夫許讚嚴訥郭朴凡八人焦
雖至少師華蓋以長沙壓之不登首揆邇時高拱以故
相起掌吏部尋進元相掌部如故尤為盛事按河南凡
八相焦劉許郭既嘗為太宰高以內閣兼之李文達賢
劉文靖健又帶吏部尚書銜其不與者惟賈文靖詠而
已

文武二選

安丘黃楨以武選郎中調文選以郎署同考會試及武舉凡知文武選舉者再亦庶僚之盛除也

徧歷殿閣

天順以前諸殿閣除文華不以授人凡五銜一兼其官者用師傅為次序遂終其身不復轉成化而後始以序遷矣然無有徧歷者惟近時申吳縣時行始以吏侍兼東閣繼以禮書兼文淵三以戶部兼武英四以少傅吏

書兼建極五以少師兼中極駁歷悉徧若歷三殿者則
劉文穆吉徐文靖溥劉文靖健焦泌陽芳楊文忠廷和
梁文康儲費文憲宏楊文襄一清嚴分宜嵩李文定春
芳高新鄭拱張文忠居正凡十二人內二劉徐楊費不
為東閣而張不為文淵閣餘皆未歷閣任者

臺臣駁歷督撫

部院大臣更歷督撫之多者無如王忠肅翔李襄敏秉
馬端肅文升秦襄毅紘及先君子忠肅初以右僉都御

史自佐院出鎮守浙江還院再鎮守江西還院三鎮守
四川參贊松潘軍務四鎮守陝西還院五以左副都御
史提督遼東軍務還院六以太子太保左都總督兩廣
軍務襄敏初以右僉都御史撫宣府再撫南直隸三撫
大同四以左副都撫宣府五以左都出飭宣大薊遼邊
備六提督遼東軍務征建州人端肅初以右副都巡撫
陝西再以左副都提督三邊軍務三以兵右侍飭遼東
邊備四以兵左侍督撫遼東五起家左副都巡撫遼東

六以右都總督漕運襄毅初以僉都御史撫陝西謫知
州再以僉都撫宣府三撫河南四以左副都總漕運
撫鳳陽五以右都總督兩廣六以戶部尚書總制三邊
先君子初以右僉都御史經略通州軍務再提督畿輔
糧餉三巡撫山東四督撫浙江福建五以右副都巡撫
大同六以右都兵侍總督薊遼三鎮其次則韓襄毅雍
初以僉都御史巡撫江西再以僉都撫大同三以兵侍
撫宣府大同四以左僉都御史參贊南征軍務五以右

都總督兩廣王端毅初以右副都撫襄南再以右副
都撫河南三以刑左侍郎督河道四以右都巡撫雲南
五以兵部尚書巡撫南直隸洪襄惠鍾初以右副都御
史巡撫順天再調雲南三調撫貴州四以右都總督漕
運五以太子太保刑書左都總督四川湖廣陝西河南
軍務譚襄敏綸初以右僉都御史督撫福建再以右副
都撫陝西三撫四川四以兵部左侍郎總督兩廣軍務
五以右都總督薊遼軍務

敫歷部院之多

部院長官敫歷之多者如秦端敏金兩為南兵一為戶部一為工部一為南戶一為南禮凡五部六任馬端肅文升兩為兵部一為吏部左都南兵部凡三部一院五任耿文恪裕兩為吏部一為禮部南禮部南兵部凡四部五任顏公頤壽歷南吏戶禮北刑部左都御史凡四部一院五任周恭肅公用歷吏部南刑工部北左都南右都凡五任熊恭肅公浹歷吏部南禮部兵部都察院

前後左右都御史凡三部一院五任歐陽公必進兩任
工部歷吏刑部南北左右都御史凡三部二院六任今
趙公錦兩歷南史一歷禮刑部南北左右都御史凡三
部二院六任

郎署至尚書不離局

戶部徐輝郁新夏原吉俱自主事郎中侍郎至尚書夏
首尾三十五年兵部劉儁徐晞亦自主事郎中侍郎至
尚書垂三十年俱不得他官輝又戶部吏晞兵部吏也

吏部趙新自主事員外郎郎中以至侍郎尚書四十年亦不帶他銜其在侍郎則巡撫任也周瑄自刑部主事至尚書三十餘年不出刑部僅一為右都御史亦法司也屠滸授御史遷僉都副都左右都御史掌院以至再起吏部掌院垂三十年中間為吏書者三年張綵授吏部主事員外郎郎中以至尚書侍郎中間為左僉都御史者僅三月楊善十八以守城諸生為鴻臚序班署丞寺丞卿以至禮部左侍郎左右都太子太保興濟伯俱

掌本寺凡五十四年中間掌禮部左軍都督府僅五月餘

再長中書

洪武四年太師中書左丞相李善長以韓國公致仕奉朝請十一年復與曹國公李文忠同理中書省及府臺事二年汪廣洋自右丞進右丞相七年出為廣東行省參政十年復自御史臺左大夫進右丞相汪兩拜不為左

四入內閣

嘉靖六年張文忠孚敬入為禮書文淵閣學八年以少
傅謹身殿學為次揆歸至天津召入十年以少傅謹身
殿學為首揆歸十一年復入其年以華蓋殿學歸十二
年復入加少師十六年夏文愍言以少傅武英殿學入
十八年以少師首揆罷至張家灣以少傅召入二十年
復以少師致仕候聖誕行月餘自居第以少傅召入二
十一年歸二十五年召以少師入二公凡四拜相張公

後再召皆中道返蓋六被命矣

三入內閣

正德六年費文憲宏以官保武英殿學士入九年歸十六年以少保召入嘉靖六年歸十四年以少師華蓋殿學復召入凡三拜相

再入內閣

黃文簡淮洪武三十五年以侍講入內閣永樂中以右坊學下獄二十二年以通政使武英殿學復入楊文定

公溥洪熙元年以太常卿學士入內閣宣德四年丁憂服滿守本官正統元年以禮書學士復入正統元年商文毅輅以侍讀彭文憲時以修撰入本年彭丁憂服除守本官天順元年商去彭以太常少卿學士復入成化三年商以兵左侍學士復入天順元年李文達賢以吏侍入本年謫福建參政還為吏部左侍郎俄以尚書學士復入弘治謝文正遷以詹事學士入正德元年去嘉靖六年以少傅謹身殿學復入正德九年楊文忠廷和

以禮書文淵閣學入九年丁憂十二年以少師華蓋殿學復入正德十年楊文襄一清以少傅武英殿學入十一年去嘉靖四年以少師復入六年翟文懿鑒以禮侍學士入十三年丁憂十九年以太子少保武英殿學復入八年桂文襄萼以少保武英殿學入本年致仕九年復召入嘉靖四十五年高新鄭拱以宗伯文淵閣學入隆慶元年致仕三年以少傅武英殿學復任萬曆十四年王家屏以吏部侍東閣學丁憂後以禮書文淵閣學

入

再正銓部

洪武五年李信任改山西參政十五年復任成化二十
一年盧氏耿公裕由少宰遷改南禮部弘治六年以南
大司馬復入正德十六年太原王公瓊以少師大司馬
成嘉靖十年以太子太保三邊總制復入十四年靈寶
許公讚以大司徒守制入二十年以少保致仕本年冬
復入二十年建寧李公默以少宰遷三十年罷三十二

年復入四十年彰德郭公朴以太子少保太宗伯入四十二年丁憂四十四年復入四十五年蒲州楊公博以少保太司馬入隆慶三年致仕六年以少傅原官掌兵部事復入太原初以三孤之首下獄論死末減戍邊起徙中復得宮保以入尤為難事

三長戶部

梁端肅公材初為戶部尚書丁憂歸再起再致仕降本部右侍郎三復原官加太子少保

三長兵部

王忠毅公驥初以本部侍郎陞出總西兵還復任三以靖遠伯起掌部楊襄毅公博初以薊遼總督入為兵部尚書再以薊遼總督加少保入兵部三以致仕少傅吏部尚書起掌兵部若再掌兵部者則唐鐸初以太常寺卿任踰七年復以刑部改任沈潛初以本官改工部尋復任茹瑺初以本官出掌布政司再以忠誠伯任余子俊初以右都御史陞任改戶部再以太子太保起任馬

文升初以右都御史陞任改南京再自都察院左都任
王康毅憲初以本部侍郎陞任再以太子太保左都御
史起家王刑部時中初以侍郎陞任再由致仕起翁襄
敏萬達初以總督尚書回部再以尚書召至則降右侍
郎歸以右侍郎再遷尚書起家未上卒

九佩大將印

吳元年徐中山達以中書左相國掛大將軍印平吳還
上之洪武元年中書右丞相信國公掛征北大將軍

印北討二年還三年正月復掛印西討還四年復掛印
往北平山西練兵還五年復掛印西征還六年復掛印
往二地練兵八年還九年復掛印鎮守北平等處十三
年還十六年復掛印鎮北平還十七年復掛印鎮北平
冬還凡佩大將軍印一佩征北大將軍印八自吳元年
以前不佩印而總兵者又不易指數也

按洪武中命大將儀上武冠御午門百僚盛服陪位
大將軍拜前諸將拜後先授節次授鉞訖出勒所部

建牙鳴鼓角正行列擊節鉞鼓吹前導百官以次送
出其盛如此恐丘洪公而後無舉此典者也今將軍
有制有勅有銀印而無節鉞非將軍而總兵者有勅
有關防而無銀印

八佩將印

宣平王朱永以撫寧伯總十二營以靖邊將軍討荆襄
境進封侯以平北將軍拒敵以平西將軍拒西人世侯
尋以將軍印討北邊進封公復以將軍印破大同境世

襲復以鎮朔大將軍總宣大兵加太子太師還總京營
凡八佩將印

咸寧侯仇鸞以口辯數當重寄初掛靖北將軍印鎮寧
夏再以征蠻將軍鎮兩廣三以都護前將軍扈駕承天
四以征夷將軍討安南五以平羌將軍鎮甘肅六以征
西前將軍太子太保鎮大同七以平北大將軍禦敵八
以太傅總京營戎政掛印

七佩將印

卻懷僖永正德甲戌以都督僉事佩征西前將軍印鎮大同乙亥以鎮朔將軍鎮宣府丁丑以平北將軍左都督征吐魯番己卯鎮三關以征北前將軍鎮朔北丙戌再以鎮朔將軍鎮宣府癸巳以都督同知充平北將軍總宣大癸卯仍以鎮朔將軍鎮宣府凡八為大將七掛印

三為大將軍

洪武中馮宋公勝初以征西將軍伐西番以征北將軍

練汴晉兵再以征北大將軍北破敵傳潁公友德初以
征北前將軍平蜀又以征南將軍平雲南又以征北將
軍北禦敵雖受脤非煩而專征斯重比之開平岐陽為
多

三下南交

永樂間洪成二公雖元勲然未嘗專節鉞洪公征北敗
歿成公征南病卒惟張定興輔三下安南初以新城侯
行征夷將軍執偽虞上皇黎季犛子大虞國王蒼再以

英國公行征夷副將軍執偽越上皇簡定三復以征夷將軍執偽越王陳季擴皆獻俘闕下英公望最重功甚多獨不得掛大將印

三下滇南

王忠毅驥初以兵部尚書兼大理寺卿總督軍務偕定西伯蔣貴以大軍十五萬平麓川走其叛宣慰思任發再以靖遠伯兵部尚書總督軍務偕定西侯蔣貴以大軍十餘萬討思任發之子思機發獲妻孥象馬輜重而

還三復為總督偕都督同知宮聚以大軍十餘萬窮追思機發於孟養破之不能得而還凡三下滇南

文臣累為督帥

王忠毅驥初以尚書提督甘涼軍務還部再以尚書總督討多爾濟巴勒三以尚書總督軍務討麓川思任發四以靖遠伯總督討思機發五仍討思機發六掛征蠻將軍印平貴州苗七總督南京守備王襄敏越初以副都御史總督延綏等處軍務破紅鹽池敵再以太子太保

尚書總督大同諸邊軍務破威寧海境三以威寧伯總督破山東墩境四以太子太傅總督五軍十二營兵馬五以平北將軍總兵北征六以征西前將軍鎮守大同七以靖邊副將軍鎮守延綏八起家太子太保左都御史總督陝西甘涼寧夏延綏軍務

三總三邊

楊文襄公一清初以左副都總制三邊再以右都起總制平安化王難三以致仕少傅大學士起提督王襄敏

公越初以左副都右都御史連歲出兵關中破西北敵
再以威寧伯提督同保國公朱永破西北敵三以太子
太保總制陝西三邊破西敵中間一以總兵鎮延綏

三總漕運

陶少保琰正德中以左副都御史總督漕運兼巡撫鳳
陽等處地方再以原職往嘉靖初三以右都御史往

四總河道

潘公季馴初以僉都理河道丁憂歸再以副都任歸三

以右都御史往任以宮保尚書歸四復以右都御史任
身封二國

徐太傅達初封信國公進封魏國公李太師善長初封
宣國公進封韓國公

勲德文武

王新建守仁以書生建汗馬勲封伯贈侯又以勲臣得
謚文成又以侯伯從祀孔子廟廷文武勲德為我朝冠
文臣再知經筵

弘治初開經筵劉文靖健以內閣學士同知正德初則以少師知經筵隆慶初江陵公居正以內閣侍郎大學士同知萬厯初以少師知經筵事

文臣再監修國史

永樂修太祖實錄夏忠靖原吉以戶部尚書監修宣德修太宗仁宗實錄夏公再以少保太子少傅尚書監修
兩總裁國史

宣德修太宗仁宗實錄楊文貞公士奇楊文敏公榮楊

文定公溥為總裁正統修宣宗實錄復為總裁史成始
進官文貞文敏加少師文定加少保弘治修憲宗實錄
劉文靖健以侍郎學士總裁正德修孝宗實錄文靖復
以少師總裁隆慶修世宗實錄今江陵公以侍郎學士
總裁萬厯修穆宗實錄復以少師總裁劉公首尾十九
年尤為盛事

六主鄉會文衡

王文安公英永樂丁酉以翰林侍講主應天試庚子癸

郊復以侍講俱主順天試永樂戊戌以侍講宣德庚戌
以左春坊大學士正統壬戌以禮部左侍郎兼學士俱
主會試錢侍郎習禮永樂丙午以翰林侍讀主應天試
宣德壬子以侍讀學士正統戊午以學士俱主應天試
宣德庚戌以侍讀己未乙丑俱以學士俱主會試二公
皆六典文衡門生遍海內而文安鄉試連三科會試隔
三戌尤為卓絕

三主會試

曾少詹榮永樂戊戌以侍讀學士甲辰以原官丁未以
左春坊大學士王文端公直宣德癸丑以少詹事正統
丙辰以原官己未以禮侍學士徐文靖公溥成化乙未
以少詹事辛丑以太常卿弘治庚戌以大學士俱主會
試凡三典文衡文端連三科文靖三為前序而曾公復
再主順天俱稱奇絕

兩主鄉會試

成化戊戌彭華以學士甲辰以詹事俱主會試仍以編

修主乙酉應天侍讀主戊子順天鄉試弘治癸丑李東陽以少卿學士己未以大學士俱主會試仍以侍講主庚子應天侍講學士主丙午順天鄉試嘉靖丁未張治以吏侍庚戌以大學士俱主會試仍以左中允主甲午學士主庚子俱應天鄉試天順庚辰柯潛以尚寶少卿主會試癸未以原官主會試火發而出仍以洗馬主景泰丙子學士主乙酉俱順天鄉試

兩主會試

兩主會試自彭李張三公外黃淮永樂甲申以侍讀宣德
癸丑以致仕少保楊士奇永樂壬辰以左諭德辛丑以左
坊學楊溥永樂丙戌以司經局洗馬宣德丁未以太常卿
學士呂原天順丁丑以通政司左參議庚辰以學士萬安
成化丙戌以學士壬辰以禮侍學士劉吉成化己丑以侍
讀學士戊戌以禮書學士吳寬成化丁未以右諭德弘
治壬戌以禮侍學士王鏊弘治丙辰以侍讀學士正德戊
辰以少傅大學士梁儲正德戊辰以吏書學士甲戌以少

傅大學士靳貴正德辛未以吏侍學士丁丑以宮保大學士石珪正德庚辰以禮侍學士嘉靖癸未以吏書學士呂公調陽隆慶辛未以吏侍學士甲戌以宮保大學士申公時行萬曆丁丑以吏侍學士庚辰以尚書大學士許公國萬曆癸未以吏侍學士己丑以少傅大學士

三主鄉試

永樂甲午周述以編修主應天試宣德壬子以左庶子主順天試乙卯仍以庶子主順天試又以侍講主會試

甲午鄒緝以侍講左中允主順天開科試丁酉再主順天試庚子主順天試三主皆順天又以己丑主會試主會試在前而四試皆侍講

十知貢舉

胡忠定公潑為禮部尚書自宣德丁未至景泰甲戌凡十為會試廷試知貢舉官古今罕有

連主鄉會試

鄉試主考官會試入為同考者有之未有主試者若祖

宗朝則不論也按洪武辛亥司業宋濂主京畿鄉試其
年復以司業主會試建文乙卯高巽志以太常少卿主
鄉試明年主會試永樂乙酉侍讀學士王達主鄉試明
年主會試丁酉侍講王英主順天試明年主會試宣德
己酉侍讀錢習禮主應天試明年主會試戊午又以翰
林學士主順天試明年主會試以後則無之若先主
會試而後鄉試者則己丑鄒緝又主甲午順天丙戌沈
馬楊溥又主甲午應天辛丑侍講周述壬子主順天其

事尤奇

享國長久

親王享國之久者古簡王見浚七十一年代簡王桂六十九年魯靖王肇輝六十四年德莊王見潁晉莊王鍾鉉俱六十一年岷莊王榘六十年瀋莊王幼學五十八年寧獻王權五十八年周定王櫟五十七年襄憲王瞻塏壽定王祐檣淮康王祁銓俱五十五年益端王祐檨五十二年衡恭王祐樞五十二年

勲臣久仕

武臣徐中山達為將相近三十年洪武元年至其歿時
掛征虜大將軍印者復十七年湯東甌和馮宋公勝為
大將俱三十餘年沐定遠晟以國公掛將印守雲南三
十年張定興輔永樂元年封伯及國公至歿四十七年
為太師二十六年子寧陽懋九歲襲封公至歿六十七
年統五軍及十二營共四十餘年為太師二十年徐興
安亨自伯至侯卒五十五年朱宣平永總十二團營兵

馬為首帥三十五年譚新寧祐天順元年襲爵加保傅
掌禁兵至嘉靖四年始卒凡六十九年毛伏羌銳成化
五年襲爵加宮保至嘉靖二年卒凡五十五年郭翊公
勲自加太保至太師凡三十餘年總十二團營兵亦二
十餘年朱成公輔守備南京三十四年其孫恭靖王希
忠自太保至太師已三十年入直亦三十年十主瓊林
宴代郊天大禮亦三十餘次古今罕有陳瑞安韶正統
十四年襲至弘治十七年加宮傅卒凡五十八年子鏹

以十七年襲正德十年為薊帥隆慶六年加以少保掌
府事為帥五十八年享伯爵六十九年徐魏公備自襲
爵至卒再提督守備五十四年孫鵬舉自襲至卒三提
督守備五十六年今顧鎮遠襄總兩廣再督漕一守備
南京一為戎政大帥三掌府亦踰四十年享侯爵五十
餘年張英公溶封公四十六年其加宮保至少傅掌府
亦三十年鄭武安亨譚永寧廣任寧遠禮周太保尚文
為邊將垂四十年永寧八十始解任寧遠之解任與鄭

周之卒也亦垂八十矣

蔡太保震以成化二年丙戌授以嘉靖十四年乙未卒
凡七十年趙輝在永樂十一年癸巳以千戶守金川門
太宗竒其貌以長公主配之凡事六朝掌都督府主孝
陵祀至成化十二年丙申卒凡六十四年尚主已二十
餘二公年俱近九十時寧陽侯陳懋亦歷事五朝二公
皆享高爵窮奢極欲姬妾百餘而皆以壽終史俱異之
謂得於內養云

一品考十八年

嘉靖少師嚴分宜高一品六考十八年又三年凡五膺
勅獎諭蔭中書舍人隆慶少師徐公階一品六考滿十
八年加伯爵俸賜勅獎諭蔭子錦衣衛千戶及宴備極
恩禮公蓋四膺勅獎矣按李韓公自左相國太師近三
十年是時不考滿楊文貞自少傅至少師凡十九年九
年後通不考此外無考十八年者

一品考十二年

正德初少師劉公健嘉靖初少師楊公廷和各以元輔
十二年楊加太傅辭賜勅獎諭及宴隆慶末少傅太宰楊
公博亦考十二年進少師歿後加特進萬厯中少師張
公居正考十二年詔以奪情之日仍准通考為十五年
加上柱國太傅支伯爵俸給太傅四代誥命蔭子尚寶
司丞其考九年者少師蹇公義楊公士奇楊公榮萬公
安劉公吉馬公文升李公東陽梁公儲凡內閣九人吏
部三人

文臣久任

文臣莅任之久者李韓公善長寶掌中書省十年為太師二十三年蹇忠定公義在吏部胡忠安公澐在禮部楊文敏公榮在內閣俱三十餘年黃忠宣公福為尚書四十年楊文貞公士奇在內閣四十三年中間輔東宮十八年為首揆二十年夏忠靖公原吉郭忠襄公資在戶部金文靖公幼孜在內閣俱二十五年彭文憲公時萬文康公安劉文靖公健及分宜在內閣俱二十年商

文毅公輅兩任及劉文穆公吉李文正公東陽俱十八年今少師華亭徐公階十七年太師張公居正十六年楊文定公溥陳芳洲循高文義公穀李文達公賢徐文靖公溥楊文忠公廷和梁文康公儲李少傳本在內閣俱十餘年王文端公直王忠肅公翱尹恭簡公旻在吏部俱十餘年王靖遠公驥馬端肅公文升許文簡公讚為尚書俱二十有餘年

巡撫之久無過於肅愍周文襄于十八年周二十一

年鳳翔知府扈遲任二十五年再以九年滿加從二品服色俸級陝西寧州知州劉綱任三十三年三以九年滿亦加至從二品服色俸級兵科給事中傅安以洪武二十八年使西域留滯者十二年永樂五年始歸十四年封巴實伯里納琳實克為王見羈北廷留滯者復九年宣德元年始歸給勅命賜老而已前後為給事中三十二年留北二十一年白首生還去蘇卿不遠也

文臣腰玉年久

一品橫玉文臣得之往往遲暮以故無甚久者余所知者劉文靖健三十一年嚴少師嵩二十七年謝文正遷二十九年王端毅恕二十二年楊文貞士奇二十年徐少師階三十三年呂少傅本三十四年

直廬應制年久

世宗於西苑躬醮事一時文武大臣後先賜直廬於無逸殿廡俾供應青詞門聯表疏之類庶務從便取裁後先凡二十人然多有遷革及物故者獨少師嚴嵩以辛

丑入至壬戌始出凡二十年少師徐階以己酉入至丁卯出凡十九年太師成國公朱希忠入同嚴出同徐凡二十五年首尾恩賜最為優渥而嚴徐後別賜居舍銀器什物皆出尚方

中官壽考久任

中璫之久貴無過於蕭敬者年二十餘則已侍英宗為太監成化中入司禮自是數廢數起凡四秉筆四掌印幾五十年而退休禮數視大臣凡為太監近七十年九

十一而後死從孫舉進士為少卿郎中二人錦衣復數人其次則劉永誠從成祖兵間自後歷西陲大鎮總京營兵十年始辭任入見復勉留之諸子封伯者一人為指揮千戶者數人內臣至今豔稱之其次則張佐黃錦掌司禮兼督東廠二十餘年鮑忠前後在司禮亦三十年年近九十而終


中貴人歷中外任

中貴人權震天下者柄司禮則王振劉瑾數將大兵則

曹吉祥汪直然皆不克終惟張永初自春宮得幸上累
加提督三千神機二營兼掌十二團營乾清宮掌事兼
掌御用監提督尚衣司設內官三監整容禮儀甜食諸
房并豹房浣衣局混堂司南海子出總督寧夏等處軍
務特給金關防金爪鋼劍還改司禮太監長監事再起
掌御用總制提督宣大延固等處軍務還總理乾清大
工再督團營兵馬從上禦敵應州為監督機務從上征
寧庶人為提督督畫重務罷閒復起掌御用提督團營

凡一綰司禮二綰御用綬三督團營再總太兵再扈上
領樞密出許便宜行事及撫鎮聽制父友科都督同知
兄泰安伯富弟安定伯容右都督褰餘官復十餘人貴
勢傾一時而名位不衰亦一時中人之翹楚也其次則
內官監太監鄭和以永樂四年率師一萬七千人駕海
舶齋勅諭金帛行賚西洋瑣里暹邏等三十餘國皆隨
使人朝所奉獻及互市採取未名之寶以巨萬計凡一
破國都再夷逆命王一擒大盜酋凡二十年而首命提

督南京守備至宣德八年復齎詔由陸路諭西番諸國
今西南夷及世所稱三寶太監者鄭和也西北所稱劉
馬太監者劉永誠也



弇山堂別集卷四